

高上神霄玉清真王紫書大法卷之十二

神霄保仙消魔護正說戒儀

真王言賢哲處世當信道欽天心合神靈忠孝為務不造諸惡種大善根凡所施為濟度一切非憑教戒何以執持昔祖陽大赤高垣太極紫清之宮真元神寶大慈天尊授我至道下教學仙之士夫道法奉漸戒為首寶範瓊科秘紫府經列七品戒分九等經則雲篆雙羅瓊緘藥笈唐臺玉闕九仞諸天無曲不明無所不度戒者戒於初地遺制情慾邊塞慾非漸登仙聖今者至學之士按法行科仰對聖前為任法職先當顯說八景九霄天尊之九戒以明齋功眾官皈誠當宣諦聽

智慧頌

一者神霄統天長生元聖至德天尊說消魔戒當思虛皇妙道生育二儀三景元功造化萬物神靈仙聖佐理生成勿惑夷狄寂滅妄自尊大墮諸魔景若能持此戒者獲飛昇果
二者丹霄太平應化道主天尊說制邪戒當

思帝王國主受符治民道化十方仁育四海勿信妖惡生違戾心自縱任奸墮諸惡趣若能持此戒者獲富貴果

三者青霄好生元真寶曜天尊說開性戒當思父母幼勞長育之恩常存孝儉順恭甘旨不得悖逆墮諸地獄若能持此戒者獲長命果

四者碧霄總生開雲傳道天尊說修身戒當思天生萬物滋養一切暫貸於我不得鄙吝常將財寶施惠貧乏若恣貪求墮諸沈溺若能持此戒者獲豐足果

五者玉霄皓元威德耀晶天尊說持心戒當思一切群生皆稟元炁因緣流運成結異形勿慾滋味執起殺害及恃豪勢欺凌下賤懷惡毒念墮諸輪轉若能持此戒者獲智慧果

六者太霄輝明流炁素景天尊說靜念戒當思馳聘榮華傷生損性姪慾邪僻敗氣亂真世法不容陰謀亦重須臾虛假永無出期想念榮華墮諸煩惱若能持此戒者獲

清淨果

七者琅霄飛青元關濟濟天尊說保慎戒當思萬景營營咸有明智勿謂愚癡便懷憎嫉嗔惠罵辱恣為惡業而仇毀謗賢哲說諸良善犯天大禁墮諸疎念若能持此戒者獲安泰果

八者紫霄合景雙闕化身天尊說衛護戒當思威神守護身有光明若入寶山凝神不動勿謂非類之人交遊共處干涉邪道墮諸懈退若能持此戒者獲堅固果

九者景霄中極至妙空變天尊說利益戒當思塵世之內一切含生隨業受報受諸苦惱即起大慈悲心方便救拔至於小善亦當積累不得因循隨於縱恣若能持此戒者獲成就真元果

真王言已上太極九戒若能終始奉戒終身不怠內制魔魅外集真靈長齋淨念進修上道一切凶橫不能近身役使六丁辟除衆惡功圓滿白日飛仙可不戒哉可不勉哉道士登齋起居皆當對聖關白監齋禮師三

拜而出還亦如之犯者對師糾彈必罰無貸

玉府行用

凡人投狀乞治狂邪仍須子細推問委有鬼賊相附判狀畢上香火祖師宗師真師乞布告神府吏兵聽候差使畢寫劄子差左右

都統二將軍部兵一萬人先次差去患人家圍繞屋宇飛符二道指揮二將軍監勒司令等神火急收下某人身中為禍鬼賊不得放令逃走候當司行遣如或邪人在外立便計會里社火急押入本家法師勾神將部兵前

去令投狀人歸去備置香火到人家仍指發兵訣乃本師訣存去人為本司捉殺大將軍便燒本符一道領兵吏百萬眾金鼓齊鳴前後四圍上下收攝邪鬼步馬步至患人居所直至天門把天丁訣想從人皆為天丁力

士望見邪人便發斗訣雷火訣霹靂搜邪符一道存火燒至門下又步馬步兩手剔寅卯訣入屋存二斗在頭懸罡指前至廳上師便背魁向罡方立定上香指揮神將吏兵速勾邪祟出來聽吾指揮便令扶出依法用天

丁訣存前項並天丁力士前去搜捉一見病人左手搗天丁局邪訣右手斗訣以左手訣築脇下存左手拳為罡星右手肘為魁星左肩為魁心為魁右肩為魁右肘為魁右拳為魁星星斗光芒存心曾便以左手指辰文高

聲問汝是何邪鬼侵害王民吾奉

上帝勅命前來勘汝對吾真說稍有違者便行拷訊指揮畢急將右手拳左手肘緊局之存天丁拷問如未伏急搗天丁印局之以金剛杵刺其口又不通以枷之發雷火霹靂本符即叫通說再三審問事委是的實即便令神將收下鬼賊立要病人安樂便與符吞之一日不住上香祝將速與盡底收攝解押赴所屬施行

捉兇惡鬼神

應有投狀有兇惡鬼神累經行持不去仍於受狀內具錄事由飛奏上帝三師申五嶽隲城隍或就近神祠尅日會合前去各家收戮鬼賊立獄推勘行遣至日早召八方追捉將揚噴發行作先鋒將出步交乾斗飛神朝天

請兵次一一把本府神將靈官發行遠遠單並同前法入門左手局邪訣披斗如前伏邪法步地紀斗直入廳上背魁向罡高聲一一召本府吏兵火急部領兵馬監勒某家五道土地千係等神盡數收捉立赴壇所伺候當

府立獄推勘指揮了剝兩訣握墜邪印除斗

存將吏皆列左右捉邪行持如崇不見聲響已被捉下仍用結枷印照之使用感應枷鬼將符燒之使拍紫微印交乾布斗高聲念紫微呪乾雲禁之如未伏即用金刀靈官制之把天丁印誦天丁呪存十方天丁力士飛空束縛如不見形影便將治病符吞之仍與符用鎮惡符鎮之大驗

伐邪破廟

應有人投狀稱有非祀典神廟或山林木崇類類與妖惑人家婦人侵害田宅妄求祭祀子細具狀聞奏乞請本府兵馬十方天丁力士并所屬祀典等神會合前去至日早用書鎮惡符用板四片各長七寸闊三寸書訖上香交乾布斗變神飛奏上件為禍因依再步

地紀斗遺兵帥帶人持符直入廟中把本命
訣。召神吏存在左右手。北帝印訣存三師
並北極大帝同領兵馬。天丁力士六甲六丁
摧魔雷部在吾領後。雲中剔訣仍握紫微印
心存北極大帝。三台北斗自然覆頭。又飛斗
訣存七星。交橫罩下廟貌。便行至廟前。飛天
罡躡地紀。都監訣高聲逐一呼名。上伴兵將
火急與吾盡底收。捉便燒命魔前。驅煞鬼符
一道。喝應是鬼賊。指揮捉發雷火符發雷火
盡底燒師存閃電霹靂震動火滿長空。吏兵
舉歌聲存捉下次。將鐵符釘在廟內四方地
內。把天關地軸訣存四方。通相耕動鬼賊。並
無入處。便賞吏兵大妙不可常用。

充陽請雨法

密室一所。洒掃令淨。酒十二分。雄雞一隻。供
摧魔部中將帥。伏劍向巽方。割壇三層。上列
酒盞香燈茶果科式。向巽戶步斗。變神將劍
指巽方。高聲曰。吾奉上帝勅。急摧魔部。一一
呼名。并召五方變雷使者。尅取今月某日。與
吾大急。搜起溪源潭洞之中。應有龍神。速至

某處。救一切萬姓。焦枯。吾今依法備血酒皂
鐵槁。實雷部至日。尅時。須管大布雨澤。莫違
吾律。呪訖。傾酒將劍刺雞血入酒中。以劍尖
攪勻。存雷部各在。五方臨壇受祭。設了。就巽
方掘一地。埋皂錢雞血酒。卓劍埋之。方入室
依法將致雨符。使人投於有龍去處。至期雷
雨大作。救濟旱傷。即謝
天恩。

祈晴

凡飛天罡可以制天神。躡地紀可以伏地祇。
治三界鬼神不得飛罡躡地紀之道。安能興
功立德。盡是空用心力。治虛無惡鬼狂風暴
雨。過海登山。在危難之中。但配如伏狂邪法。
左右手是頓倒返步之次。飛罡躡地紀。以右指
其禍方。則鬼神撲落雲雨。收藏妖魔鬼盡滅。霖
雨不能損壞。苗稼及人物。或暴風折木。法師
變神配衣。順列返誦飛罡躡地紀。呪三遍。以
右指雲中高聲曰。吾奉上帝勅。令速止暴風
霖雨。汝等龍神主者。速稟勅令。收雲止雨。即
止。如未止。再行法。用縛龍靈官制之大妙。次

奏上帝三師。行雨龍王。速令禁止。

投壇傳度誓狀式

某御貴居職位。姓某。年甲。建生上屬。
北斗某星君。重念某。下土功微。仰慕道化。躬
發丹誠。謹齋質信。捧詣某君門下。求乞傳授
高上神霄長生護命保仙秘法。一宗符圖印
訣。誓願佐天行化。助國救民。保命修真。剪邪
皈正。佩法之後。永為身寶。不敢不遵。依師旨
妄傳。非人。漏泄靈文。一旦有違。自甘以身謝
三官風刀。考形。殃累玄祖。萬劫不原。不敢怨
道。發師謹具狀。告聞伏望法慈。特賜敷奏。開
壇傳度。未敢自專。伏候 法旨。
太歲 年 月 日 具法位姓某押狀

奏取旨報應

具位小北巨姓某
右臣某。今據入前。既見來誓。至懇。不敢拒
違。臣謹昧死具狀。飛奏。
祖師高上神霄玉清真王長生大帝。九前伏
望恩慈。願降勅命。告下紫府真司。契勘上件
傳法弟子。某有無過犯。合與不與傳授。恭乞

宸慈下臣及傳法弟子某夢寢之間明彰報
應以憑傳度施行臣誠惶誠恐稽首頓首謹
具奏 聞伏候勅旨謹狀

太歲 年 月 日 具位 臣 姓 某 狀 奏

新授法誥

勅三天門下

據某官某人乞保奏某人稟性純素守志
堅貞每欽奉於高真常皈依於大道頗有
助國救民之心願欲傳授高上神霄保仙
秘法保命護身佐天行化誠除邪崇利濟

生民某本命年甲建生上屬

姓斗某星君注照恭候昭報者

保舉師具位 臣 姓 某

監度師具位 臣 姓 某

度師具法位 臣 姓 某

惟神霄大法萬道同皈矧吾言之易行豈

汝心之難勉宜補

高上神霄太平輔化弟子奉行神霄大法

行右殿軍同會書府事準式以聞

右牒奉

三清玉帝
勅到奉行

度師具法位 臣 姓 某 謹 行

真師九天益算司命好生韓君丈人真君

宗師青華大帝君

祖師長生大帝君

戒牒式

玉清神霄大法司 牒

弟子某人

據弟子某露飢渴之心操金石之志願嗣

正法乞授秘詮願茲勤學良可嘉尚除已

奏聞於帝闕及申牒於真司依按玄科奉

傳真旨莫不諸天監度取聖證明神將贊

扶吏兵翊衛俾充職任以證仙階可依闕

券跪受職名所有戒文理宜信奉具列如

後

先授三遵戒

一不得負違天地

二不得悖逆父母師友

三不得違師所行教令

次授五戒行

一戒非色非財

二戒殺物傷情

三戒慳貪嫉妬

四戒諂曲邪佞

五戒喜怒變常

次授七正直

一以正信為善根

二以正真留意上應天心

三以忠利於國孝穆於親

四以正信從師訓

五以正直和穆六親眷屬

六以正絕聽是非邪不干正

七以市價斗稱平直交易

次授六不聽曲詞

一察有嗔妬奸濫不明者不得受狀

二凡人欺詐奸盜事屬暗昧不得受狀

三假以財物求禱妄動吏兵害物傷命不

得受狀

四為冤憎嫉妬欲求報對者不得受理

五財物不明亡者往來追攝似予機變者

不得受理

六民有冤枉已經明斷妄訟官吏欲求營報者不得受理

牒具如前

仰遵科式毋失規儀精進修持功勤香火味三光之煥景佩六甲之符章保命護身佐天助國或蛟螭為害或水旱不調或精魅為妖或生靈疾苦事無巨細按律誅禳毋值貨財毋私諂曲勿背盟約泄慢樞機使教法以興行俾眾生而向信天鑒不速汝宜勉之故牒
太歲 年 月 日 時牒

保舉師具位姓某押

監度師具位姓某押

度師具法位姓某押

補帖

玉清神霄大法司

當司據卿賞恭齋質信詣某君門下傳授

高上神霄保仙秘法除已申奏三師外補

克高上神霄太平輔化弟子奉行神霄大

法行右殿軍同會書府事法職須至出帖

照會者

右牒給付某收執切以神霄玉文瓊臺秘訣無所不該無所不攝若能自寶以奉持則坐

衆妙立至萬神寂然不動威而遂通可不勉

勵精誠上祈真既若初勤終怠口是心非法

中靈官記人功過毫分無失當令五帝言功

毋使三官鼓筆無怨師言切宜勉之準此奉

行

太歲 年 月 日帖

保舉師具位姓某

監度師具位姓某

度師具法位姓某

轉官告式

勅三天門下

據王闕奏下有元修真之士某官依科奉

行於某年某月某日佐天行化助國救民

備到某保明乞依科選補佩某品仙階苑

行者

右本官品稟性謙和精修奉戒普救人民功

德甚重諸天稱慶宜依擬補某官奉

上帝勅命指揮奉如右符到奉行一如

高上神霄玉清真王律令勅

太歲 年 月 日

保舉師具位姓某

監度師具位姓某

度師具法位姓某

申泰山借兵馬式

玉清神霄大法司

本司已於今月某日某時告下神霄玉清

府勅命符文一道關借泰山兵馬若干就

某處為某人染患日久服藥無效本司看

詳委是有邪神通同為禍同共本司兵將

搜捉邪祟根治施行須至申 聞者

右謹具狀申

泰山東嶽府伏乞指揮遣差得力兵馬雄將

猛帥火急前至地頭同共救應善功畢日即

便回申依法祗應干日月威聽伏候

昭報謹狀

太歲 年 月 日 具位姓某 狀申

繳回兵馬狀

玉清神霄大法司

本司昨於某月某日某時告下神霄玉清王
王府勅命符文關借泰山兵馬若干於某
處某家已蒙嶽府應時發到本府今已事
畢各賞功勳合行發回原差兵馬須至申
聞者

右謹具狀申

泰山東嶽府伏乞指揮下有司交收元差兵

馬干冒 威聽伏候 昭格謹狀

太歲 年 月 日 具位姓 某 狀申

保生牒式

玉清神霄大法司 牒

南斗降生司

當司據鄉貫奉

道女弟子某狀投伏為見今身懷六甲產

卧在即切慮宿業仇讐積生冤債亂成報

對開阻生產及所生男女多被一十五種

無道兇魔不正鬼祟侵害夭亡性命當司

為見下元甲子生人有此枉橫須至牒者

牒候到請立便差撥仙官監生大神前至監

勤奉人家司命土地等及地分神祇同共守

護產母某於吉時令其分娩子母團圓無致
踈虞仍祈聖力保守孩童當司務在
皇民安泰勿致稽緩謹牒

太歲 年 月 日 牒

具法師位姓 某 押

保胎宜男斷注奏式

具位 小兆 臣 某

右臣輒冒威嚴仰于太化退思借越甘俟

天憲切念臣受道之日約願體道化民救

治痛苦凡有請祈敢不奉聞臣謹據某投

○ 巨壇下乞行止過臣看詳來詞委有兒注

相呼分明謹昧罪錄狀上奏

祖師高上神霄玉清真王長生大帝

宗師高上神霄玉清王青華大帝

真師九天益算司命好生可韓司丈人真君

伏望 天慈允覽微臣所奏願九天太一九

仙真君曲賜赦宥其人并妻某氏所作故違

誤犯罪愆特與注上花男花女胎孕下嗣民

望仍乞差降九天太一保胎却邪官吏一合

來下特為某却除斗胎殺將軍胎注胎厭

神君并九種邪類斷絕兒注相呼免致日後
絕其種裔恩惟太上好生許從所欲果蒙
奏請仰荷威嚴罪當萬死謹具奏聞伏候
勅旨謹狀

太歲 年 月 日 具位姓 某 狀奏

又奏九天丈人

具位 臣 姓 某

右臣輒伸丹悃仰于清化入意使承免虞

厄今遠無傳注男女之苦臣除已具奏

高上神霄玉清真王外謹錄狀上奏

○ 九天太一丈人真君

九天太一萬福真君

九天太一司命真君

九天太一掌籍真君

九天太一掌算真君

九天太一却邪真君

九天太一定籍真君

九天太一注善真君

九天太一護生真君

奏特賜勅命差降九天太一却邪官將吏兵

一合下赴某家內卻除吐斗殺胎將軍胎注胎厭神君并花公花母黃河橋難青龍白虎天狗弗魔山鬼飛天九種邪類斷絕兒注相呼免致日後絕其種裔仍乞降賜九天正真之燕灌注某人并妻某氏身中向去胎孕成

結永無男女傳注之憂果蒙奏請仰荷玄恩臣子冒 真威罪當萬死伏候 真旨謹狀

太歲 年 月 日具位姓某 狀

祈雨奏狀

具位小死臣姓某

右臣恭聞道本自然教開方便凡有虐告必遂感道謹據鄉貴 奉

道弟子某等詞備伏為今歲某時以來亢陽為雷雨澤愆期苗稼焦枯人心惶懼卒歲恐衣食之不給後時慮糧稅之欠輸非

仗禱祈局臻豐稔狀投司治向為施行臣領來詞至切不敢拒逆謹錄狀昧死上

奏 祖師玉清上帝元始天尊 恭望

天慈特降勅旨領下所屬乞差霹靂與雲致

兩將軍六丁六甲五雷使者雷部官屬風伯雨師行雨龍王等眾赴臣所建祈雨壇所雲集大布霧霓以救焦枯庶甦禾稼臣冒瀆天威罪當萬死臣誠惶誠恐稽首頓首謹具奏 聞伏候 道旨謹狀

太歲 年 月 日具位臣姓某 狀奏

治病牒城隍

玉清神霄大法司 牒

某府州城隍都主者司

當司據某人乞行救治除已一面給付天

符符水與患人吞服外尚未見效照得委

是上件邪祟兇頑須至專牒者

牒到請

詳事理立便權借心力威猛將吏前至某家

收攝邪祟速離某家界分如或不遵牒內事

理定行錄奏

神霄帝師例行典憲守待報應謹牒

太歲 年 月 日牒

具位姓某押

帖推魔部

玉清神霄大法司

當司據某人患至今未見安痊委有下界

不道邪神結集群黨妄求血食不畏道法

頑猾奸狡枉陷生人止占生人屋宅事干

切害須至行遣者

右帖雷陣流金火鈴大將軍霹靂殺伐大將

軍雷火大將軍霹靂號黑歷黑二大將軍等

眾火急將帶本部兵馬雄帥只今前去患家

不問遠近家先并為禍不正邪神仰盡數擒

捉出離境界遠去他方仍勸下某家司命等

神日逐不住竭力護持毋致再行災患如或

稽滯例行究治謹帖

太歲 年 月 日帖

具位姓某押

申左玄真人

玉清神霄大法司

本司於今月某日某時據入志除已於某

日行劄某家司命等神祛遣為禍邪祟出

離境界以致日久全無報應須至申聞者

右謹具狀申

真師左玄真人仗乞指揮差露靈官天丁
前去某家根究前項事由收捕邪祟須管明
彰昭報庶使 皇民免遭橫天仗候
昭格謹狀

太歲 年 月 日 具位姓 某 狀

符告本府官屬

玉清神霄大法司

當司據入意乞行救治符下本府總監壇
統兵二大將軍靈官將吏前去某人先
行一面不問高低遠近家先究頑等神並
須執縛押出境界外仍須監勒某家司命
等神各令知委自此已後不得容情故縱
邪祟依前作禍仍為追攝患人身中病氣
令俾患身服藥通靈精神附體魂魄安和
不得有違符到奉行

太歲 年 月 日 時下

具位姓 某 押

拔馬魂符檄

玉清神霄大法司

當司據入意恪備信儀請行齋事依典告

行玉清寶籙拔幽魂真符須至告下者

空符

高上神霄玉清寶籙拔幽魂真符告下
十方三界無極神鄉三官九府百二十曹水
火罪錄五帝考官鄴都內外官洞五獄九幽
泉曲九壘十二河源九州社令地府萬神拔
度亡過未靈魂疾除罪簿落滅惡根不得拘
留時刻升遷萬神護送徑詣人天隨品受化
更生福鄉一如告命風火驛傳
太歲 年 月 日 吉時告下

具法位姓 某

破地獄符檄

玉清神霄太法司

當司據入意恪備信儀請行齋事依典告
行玉清寶籙破地獄真符須至告下者

空符

高上真玉玉清寶籙破地獄真符告下
北陰鄴都內外六洞天官三十六獄無間地
獄九幽地獄泉曲水獄大小鐵圍山地獄長
夜拷掠陰關冥司主職萬神咸聽符命真文

煇發照耀陰冥塗炭罷對拷掠俱停炎火息
焰冰雪消凝刀化玉樹劍變寒林疾除亡過
某形魂罪簿落滅惡根不得拘留囚苦罪魂
乘此真符救苦功德速令出離親見光明上
升南宮受化更生一如告命風火驛傳

太歲 年 月 日 時告下

具法位姓 某

發二符文關

玉清神霄大法司

當司據入意依典告行

右關神霄地道功曹神君齋持符命徑詣
十方三界無極神鄉北陰鄴都諸獄主者拔
度亡過某靈魂出離長夜獲詣玄壇領靈功
德克遂生方故關

德克遂生方故關

太歲 年 月 日 關

具法位姓 某 押

際地府九幽都司

玉清神霄大法司

當司奉為某追薦某切恐拘魂地府九幽之境準此符命按度某速得超生罷對寒庭削除惡簿一如神霄真王律令

牒候到仰準前符命告下地獄三官九府百二十曹五帝考官九幽地獄執罰神兵牛頭

獄卒三界大魔地府一切冥官主者承此符命地府侍者符到奉行故牒

太歲 年 月 日 時 牒

具法位姓某押

投簡表式

○ 具位小兆臣姓某誠惶誠恐稽首頓首再拜

上言臣據入憲建生上屬

北斗星君某先有願心朝禮五嶽四瀆洞

天福地獻投簡文上報

大道天地父母養育之恩三光鑒照

國王水土師交傳度之恩上祝

當今 壽同天地永鎮山河又願拔臣九

祖之愆於既往貸臣三世之罪於將來臣幸

逢聖代得慕真風俗骨凡胎夙多尤悔道行

聞淺莫悟至真未足以通幽而洞徹則無以

積功而圖報恭聞五嶽四瀆洞天福地紫府真都惟神仙降祐之鄉乃學道祈求之士伏乞真靈俯垂洞鑒赦諸過咎雪釋愆尤令法錄新邪以歸正仙兵佐助以隨行慕道修真超凡入聖臣無任激切屏營之至謹言

太歲 年 月 日 具位小兆臣某表奏

奏聖母式

具位小兆臣姓某

○ 臣不避斧越之誅仰讀重玄之聽臣昨於某年內蒙慶師某君傳授玉清神霄大法

一階神符符印等誓願佐助

天真宣揚正化救民疾苦治病除邪修煉身心願升玉府伏念臣濁世行尸凡間穢質幸因宿運獲在人倫叨遇真筌得傳大法仰賴高真俯垂濟世臣功微道淺德薄行表滯進仙階無功可記行藏致犯動靜成愆口掌心身有違科禁千愆萬罪陽過陰誅夙夜兢兢無門懺謝幸因吉日朝禮元君特希哀祐懇以愚蒙臣謹錄狀奏聞者

右臣謹錄狀上奏

元始開天道祖聖母元君御前伏望

道慈允臣所奏乞賜勅命赦宥臣某罪免消釋得獲清寧庶使臣奉法求其速蒙靈應允臣虔禱立獲感通仰荷大道周極之恩臣無任激切屏營之至謹具以 聞謹奏

太歲 年 月 日 具位小兆臣姓某狀

立獄奏三師

具位小兆臣姓某

○ 臣謹據某昨於某年月日得何病證忽被山魃鬼神侵擾日夜顛狂作亂言語呼喚口稱邪祟不一累經師巫醫藥制伏不下委是頑猾奸狡尚慮性命難存骨肉懷憂不能得止具狀投臣乞行救治臣切見本人投詞懇切不敢抑絕取今月某日就某家東南方上建置神霄水火獄乞降三司五雷將吏詣地頭收捉某身中為禍山魃等崇赴獄考治救濟生人須至奏聞者

右臣謹錄狀上奏

祖師高上神霄玉清真王長生大帝

宗師高上神霄玉清王東華大帝

真師九天益算司命好生韓司丈人真君伏

望天慈俞允特降勅命告下三司五雷部領

威猛神將精兵獄吏徑詣地頭收捉上件山

魘邪妖等崇伏屍蛇精五通赴獄考治顯現

踪跡轉憑解送佐助行持救濟疾苦治病驅

邪威賜感通以彰上帝好生之德臣冒瀆

天威罪當萬死伏候 勅旨

太歲 年 月 日具位臣姓 未 狀奏

牒城隍

玉清神霄大法司 牒 某府州城隍司之神

當司據 某事 乞行救治除已給付天符差

撥天將吏兵收捉外須至行遣者

牒候到請

詳前件事理火急差撥威猛有心力神將部

領吏兵前至地頭會合本司天將於患家祛

捉為禍邪崇鬼神母令走透須要捕獲收赴

天獄施行如稍有違不依前件的當具奏

上帝重行典憲立俟報應謹牒

太歲 年 月 日牒

具位姓 未 押

關式

玉清神霄大法司

當司據 某事 遂投本司救治尋驗得奉

有不正邪崇分明須至行遣者

右關準

真王勅命今差總監大將軍統兵大將軍號

黑大將軍歷黑大將軍會合命魔前驅殺鬼

符中將吏功曹符使疾速前去地頭搜捉患

人身中一切為禍鬼神邪不問高下親疎即仰

應時攝起患體借口通傳如或不伏仰一面

緝吊考問不得慢易切待本司到來結絕解

送倘不遵依法律罪無輕恕火急奉行故關

太歲 年 月 日關

具位姓 未 押

召吏兵告文

高上神霄玉清王 勅召 某神兵

符 勅召 某神兵 某神兵 某神兵

高上神霄王勅召 某神究問元因詔到奉行

代天行道除邪滅精千千截首萬萬來呈一

人不到碎腦殞身真王勅令龍虎交奔神兵

主者符到速行若有抗拒上奏

帝君一如 告命風火驛傳

太歲 年 月 日 時 某處靈壇告

具位姓 未

高上神霄玉清真王紫書大法卷之十二